

四庫全書

集部

欽定四庫全書

古詩紀卷七十一

明 馮惟訥 撰

齊第六

謝朓

四

詩

離夜

玉繩隱高樹斜漢耿層臺離堂華燭盡別幌清琴哀翻
潮尚知恨客思眇難裁山川不可夢况乃故人杯

將發石頭上烽火樓

徘徊戀京邑
躑躅躡曾阿
陵高遲關近
眺迥風雲多
荆吳阻山岫
江海含瀾波
歸飛無羽翼
其如離別何

望三湖

積水照潏霞
高臺望歸翼
平原周遠近
連汀見紆直
葳蕤向春秀
雲黃共秋色
薄暮傷哉人
嬋媛復何極

送江水曹還遠館

高館臨荒途
清川帶長陌
上有流思人
懷舊望歸客
塘

邊草雜紅樹際花猶白日暮有重城何由盡離席

送江兵曹檀主簿朱孝廉還上國

方舟泛春渚攜手趨上京安知慕歸客詎憶山中情香
風藥上發好鳥葉間鳴揮袂送君已獨此夜琴聲

臨溪送別

悵望南浦時徙倚北梁步葉上涼風初日隱輕霞暮荒
城迴易陰秋溪廣難渡沫泣豈徒然君子行多露

後齋迴望

高軒瞰四野臨牖眺襟帶望山白雲裏望水平原外夏
木轉成帷秋荷漸如蓋翠洛常睠然搖心似懸旆

與江水曹至干濱戲

玉臺云別
江水曹

山中上芳月故人清樽賞遠山翠百重廻流映千丈花
枝聚如雪蕪絲散猶網

一作垂藤
散似網

別後能相思何嗟異

封壤

祀敬亭山廟

翦削兼太華崢嶸跨玄圃貝闕眊阿宮薜帷陰網戶參

差時未來徘徊望澧浦椒糝若馨香無絕傳終古

出下館

一作夏日

來候始清和涼雨銷炎燠紅蓮搖弱荇丹藤繞新竹物色盈懷抱方駕娛耳目零落既難留何用存華屋

落日同何儀曹照

參差複殿影氤氲綺羅雜風入天淵池芰荷搖復合遠聽雀聲聚回望樹陰昏一賞桂尊前寧傷蓬鬢颯

夜聽妓二首

金少卿八十一
卷七十一
瓊閨釧響聞瑤席芳塵滿要取洛陽人共命江南管
情多舞態遲意傾歌弄緩知君密見親寸心傳玉盃
上客光四座佳麗直千金挂釵報纓絕墮珥答琴心蛾
眉已共笑清香復入襟歡樂夜方靜翠帳垂沈沈

詠薔薇

低枝詎勝葉輕香幸自通發夢初攢紫餘采尚霏紅新
花對白日故蕊逐行風參差不俱曜誰肯盼薇叢

詠蒲

離離水上蒲結水散為珠間厠秋菡萏出入春鳬雛初
萌實雕俎暮蔬雜椒塗所悲塘上曲遂鑠黃金軀

詠菟絲

輕絲既難理細縷竟無纖爛漫已萬條連綿復一色安
根不可知縈心終不測所貴能卷舒伊用蓬生直

遊東堂詠桐

孤桐北窻外高枝百尺餘葉生既婀娜葉落更扶疎無
華復無實何以贈離居裁為珪與瑞足可命參墟

雜詠三首

鏡臺

玲瓏類丹檻
苔亭似玄闕
對鳳懸清冰
垂龍挂明月
照粉拂紅粧
插花理雲髮
玉顏徒自見
常畏君情歇

燈

發翠斜漢裏
蓄寶宕山峰
抽莖類仙掌
銜光似燭龍
飛蛾再三繞
輕花四五重
孤對相思夕
空照舞衣縫

燭

杏梁賓未散桂宮明欲沈暖色輕帷裏低光照寶琴徘徊雲髻影的爍綺疏金恨君秋月夜遺我洞房陰

同詠樂器

王融詠琵琶沈約詠箏各見本集

琴

洞庭風雨幹龍門生死枝雕刻紛布護冲響鬱清卮春風搖蕙草秋月滿華池是時操別鶴淢淢客淚垂

同詠坐上玩器

沈約詠竹椅柳盤見本集

烏皮隱几

蟠木生附枝刻削豈無施取則龍文鼎三趾獻光儀勿
言素韋潔白沙尚推移曲躬奉微用聊承終宴疲

同詠坐上所見一物

柳惲詠同王融詠
虞炎詠簾各見本集

席

本生潮汐池落景照參差汀洲蔽杜若幽渚奪江離遇
君時採擷玉座奉金卮但願羅衣拂無使素塵彌

詠竹火籠

庭雪亂如花井冰架成玉因炎入貂袖懷溫奉芳褥體

密用宜通文邪性非曲本自江南墟姬娟脩且綠暫承
君玉指請謝陽春旭

詠鵲鵲

蕙草含初芳瑤池暖晚色得廁鴻鸞影晞光弄羽翼

聯句

阻雪連句遙贈和

積雪皓陰池北風鳴細枝九達密如繡何異遠別離

謝朓

風庭舞流霞冰沼

一作池

結文澌飲春雖以燠欽賢紛若

馳

江秀才

珠璣條間響玉溜檐下垂杯酒不相接寸心良

共知

王丞融

飛雲亂無緒結冰明曲池雖乖促席讌白首

信勿虧

王蘭陵僧孺

飄素瑩簷溜巖結噎通岐樽壘如未澣

况乃恨音儀

謝洗馬吳

原隰望徙倚松筠竟不移隱憂慙萱

樹忘懷待山庖

劉中書

初昕逸翮舉日晏駑馬疲幽山有

桂樹歲暮方參差

沈右率約

還塗臨渚

綠水纈清波青山繡芳質落景皎晚陰殘花綺餘日

何從

事

白沙澹無際青山眇如一傷此物運移惆悵望還

律

吳郎

白水田外明孤嶺松上出即趣佳可淹淹留非下

秩

府君
遙和

紀功曹中園

蘭亭仰遠風芳林接雲嶠傾葉順清飈脩莖佇高鶴

何從

事

連綿夕雲歸晡暖日將落寸陰不可留蘭墀豈停酌

郎

丹纓猶照樹綠筠方解籜永志能兩忘即賞謝丘壑

君

閒坐

雨洗花葉鮮，泉漫芳塘溢。藉此閒賦詩，聊用蕩羈疾。

陳郎

霖霖微雨散，葳蕤草密預。藉芳筵賞沾生信，昭悉

紀功曹晏

紫葵窗外舒青荷。池上出既闔，潁川扉且卧。淮南

秩君

流風蕩晚陰，行雲掩朝日。念此蘭蕙客，徒有芳菲

質

何從事

侍筵西堂落日望鄉

沈病已綿緒，負官別鄉憂。高城淒夕吹，時見國煙浮。

曹丞

漠漠輕雲晚颯颯高樹秋鄉山不可望蘭卮且獻酬

府君

旻高識氣迥泉渟知潦收幸遇慶筵渥方且沐恩猷

紀功

曹晏芸黃先露早騷瑟

一作角

驚暮秋舊城望已肅況乃客

悠悠

何從事

往敬亭路中

山中芳杜綠江南蓮葉紫芳年不共遊淹留空若是

府君

綠水豐漣漪青山多繡綺新條日向抽落花紛已委

何從事

事弱夢既青翠輕莎方薶靡驚鷗沒而遊麋麕騰復倚

齊舉郎

春岸望沈沈清流見瀾瀾幸藉人外遊盤桓未能

徙

陳郎

驚柅把瓊芳隨山訪靈詭榮楯每嶙峋林堂多碣

礧

府君

祀敬亭山春雨

水府衆靈出石室寶圖開白雲帝鄉下行雨巫山來

府君

歌風讚靈德舞蹈起輕埃高軒乍留吹玄羽或徘徊

何從

事

福降羣仙下識逆百神該青鳥飛層隙赤鯉泳瀾隈

齊舉郎

郎

檀秀才

約

陽春歌

青春獻初歲白日映雕梁
蘭萌猶自短柳葉本能長
已見花紅發復聞花蕊香
乘此試遊行誰知心獨傷

江朝請

真

綠水曲

塘上蒲欲齊汀洲杜將歇
春心既易蕩春流豈難越
桂棹及晚風菱江及初月
芳香若可贈為君步羅襪

陶功曹

失名

採菱曲

朝日映蘭澤
乘風入桂嶼
棹影已流倡
輕舟復容與
勿遽佳期移
方追明月侶
采采詎盈掬
還望空延佇

朱孝廉

失名

白雪曲

凝雲沒霄漢
從風飛且散
聯翩下幽谷
徘徊依井幹
既興楚客謠
亦動周王歎
所恨輕寒早
不迫陽春旦

王秀之

字伯奮瑯邪臨沂人累遷都官尚書出為隨王鎮西長史吳興太守

卧疾叙意

貞悔不少期福極固難豫疾藥雖一途遂以千百慮景
反念徂齡帶緩每危曙循躬既已茲况復歲將暮層冰
日夜多飛雲密如霧歸鴻互斷絕宿鳥莫能去輟我丘
中琴良由一嗟故隱淪迹有違宰官功未樹何用攬余
情恨恨此故路豈言勞者歌且曰幽人賦

江孝嗣

北戍琅邪城詩

驅馬一連翩，日下情不息。
芳樹似佳人，惆悵余何極。
薄暮苦羈愁，終朝傷旅食。
丈夫許人世，安得顧心臆。
按劍勿復言，誰能耕與織。

離夜

石泉行可照，蘭杜向含風。
離歌上春日，芳思徒以空。
情遽曉雲發，心在夕何終。
幽琴一罷調，清醕復誰同。

王侍常

離夜

月沒高樓曉雲起扶桑時燭筵暖無色行住閨相悲當
軒已凝念況乃清江湄懷人忽千里誰緩鬢徂絲

無名氏

同詠竹火籠

結根終南下防露復披雲雖為九葉扇聊可滌炎氛安
能偶孤白鶴卵織成文履持鴛鴦被百和吐氛氲忽為
纖手用歲暮倚羅裙



古詩紀卷七十一

欽定四庫全書

集部

古詩紀卷七十二

詳校官檢討臣德生

侍讀臣孫球覆勘

總校官知縣

臣

楊懋珩

校對官編修

臣

吳裕德

謄錄監生

臣

湯師錫

欽定四庫全書

古詩紀卷七十二

明馮惟訥撰

齊第七

劉繪

字士章彭城人雅麗有風則初為齊高帝行參軍歷位中書郎竟陵王開西邸繪為後進領袖

梁武起兵朝廷以繪持節督四州軍事東昏頌城內遣繪及范雲送首詣梁王轉大司馬從事中郎

卒

同沈右率諸公賦鼓吹曲二首

附見謝朓集

巫山高

高唐與巫山參差鬱相望灼爍在雲間氤氲出霞上散
雨收夕臺行雲卷晨障出沒不易期嬋娟以惆悵

有所思

別離安可再而我更重之佳人不相見明月空在帷共
御滿堂酌獨斂向隅眉中心亂如雪寧知有所思

餞謝文學離夜

汀洲千里芳朝雲萬里色悠然在天隅之子去安極春
潭無與窺秋臺誰共陟不見一佳人徒望西飛翼

入琵琶峽望積布磯呈玄暉

江山信多美此地最為神以茲峰石麗重在芳樹春照
爛虹蜺雜交錯錦繡陳差池若燕羽翦劣似龍鱗却瞻
了非向前觀已復新翠微上虧景青莎下拂津巉巖如
刻削可望不可親昔途首遐路未獲究清塵誓將返初
服歲暮請為隣

詠博山香爐

參差鬱佳麗合沓紛可憐蔽虧千種樹出沒萬重山上

鏤秦王子駕鶴乘紫煙下刻螭龍勢矯首半銜蓮旁為
伊水麗芝蓋出巖間復有漢游女拾羽弄餘妍榮色何
雜糅縟繡更相鮮膚麝或騰倚林薄杳芊眠掩華終不
發含薰未肯然風生玉階樹露湛曲池蓮寒蟲悲夜室
秋雲沒曉天

詠萍

可憐池內萍蓋蓋一作蘆紫復青巧隨浪開合能逐水低
平微根無所綴細葉詎須莖漂泊終難測留連如有情

和池上梨花

和王融

露庭晚翻積風閨夜入多縈藂似亂蝶拂燭狀聯蛾

劉琬

字士溫繪弟也少有行業仕齊歷尚書吏部郎義興太守

上湘度琵琶磯

茲山挺異竇孤起秀雲中陵池激楚浪紛紜絕宛風煙
峰晦如畫寒水清若空頡頏鷗舞白流亂葉飛紅

張融

字思光吳郡人初仕宋為新安王參軍出為封溪令改為儀曹郎齊高帝即位累遷司徒兼右

長史建武四年卒○詩品曰齊司徒長史張融詩齊詹事孔稚珪詩思光所擬誕放縱有華文體然

亦健疾豐饒差不局促德璋生
於封溪而文為雕飾青於藍矣

白日歌

序曰懸象著明莫大于日月而彼日月不能不謝固
知無準衰為盛之終盛為衰之始故為白日歌

白日白日舒天昭暉數窮則盡盛滿則衰

簫史曲

引響猶天外吟聲似地中戴勝噪落景龍欽清霄風

憂且吟

鳴琴當春夜春夜當鳴琴
羈人不及樂一作自何似千

里心

別詩

白雲山上盡清風
松下歇欲識離人悲
孤臺見明月

孔稚珪

字德璋會稽山陰人少學涉有美譽高帝為驃騎取為記室參軍建武初遷冠軍將軍遷

太子詹事散騎常侍卒稚珪風韻清疎好文詠與外兄張融情趣相得居宅盛營山水憑几獨酌傍無雜事門庭之內

內草茅不剪

白馬篇二首

第二首文苑英華作隋煬帝

驤子跼且鳴鐵陣與雲平漢家嫖姚將馳突匈奴庭少
年鬪猛氣怒髮為君征雄戟摩白日長劒斷流星早出
飛狐塞晚泊樓煩城虜騎四山合胡塵千里驚嘶笳振
地響吹角沸天聲左碎呼韓陣右破休屠兵橫行絕漠
表飲馬瀚海清隴樹枯無色沙草不常青勒石燕然道
凱歸長安亭縣官知我健四海誰不傾但使強胡滅何
須甲第成當今丈夫志獨為上古英

白馬金具裝橫行遠水傍問是誰家子宿衛羽林郎文

犀六屬鎧寶劍七星光山虛弓響徹地迴角聲長宛河
推勇氣隴蜀擅威彊輪臺受降虜高闕前名王射熊入
飛觀校獵下長楊英名欺衛霍智策蔑平良島夷時失
禮卉服犯邊疆徵名離薊北輕騎出漁陽集軍隨日暈
挑戰逐星芒陣移龍勢動營開虎翼張衝冠入死地攘
臂越金湯塵飛戰鼓急風交征旆揚轉鬪平華地追奔
掃鬼方本持身許國况復武功彰會令千載後流譽滿旂
常

旦發青林

孤征越清江遊子悲路長二旬倏已滿三千眇未央草
雜今古色巖留冬夏霜寄懷中山舊舉酒莫相忘

遊太平山

石險天貌分林交日容缺陰澗落春榮寒巖留夏雪

袁象

字偉才陳郡人
仕齊官至侍中

贈庾易

南史曰庾易字幼簡新野人徙江陵志性恬靜不
交外物齊臨川王映臨州表薦之餉麥百斛易辭

不受以文義自樂安西長
史表易飲其風贈詩一首

白日清明青雲遠
其昔聞巢許今觀臺尚

遊僊詩

羽客宴瑤宮
旌蓋乍舒設
王子洛浦來
湘娥洞庭發
長引逐清風
高歌送奔月
並馭排帝闥
連吹入天闕
萬古一方春
千霜豈二髮

同前

白石三重階
黃金九層路
采煙拂紫霓
芳風搖碧樹

闕

丘巨源

蘭陵人少舉孝廉為宋孝武所知明帝即位使恭詔詰桂陽事起齊高帝使於中書省撰

符檄事平以為餘抗令明帝為吳興巨源嘗作秋胡詩有譏刺語以事見誅

詠七寶畫圖扇

妙縞貴東夏巧媛出吳閨裁如

一作狀

白玉璧縫似明月

輪表裏鏤七寶中街駭難珍畫作景山樹圖為河洛神
來延揮握玩入與鑲釧親生風長袖際晞華紅粉津拂
盼迎嬌意隱映含歌人時移務忘故節改競存新卷情
隨象簞舒心謝錦茵厭歇何足道敬哉先後晨

詠扇

見五言律祖

瓊澤映水鱗清風生月輪畫作景山樹圖為河洛神倡
樓出素手歌席動丹脣宛轉含嬌意偏宜桃李人

聽鄰妓

披衽之遊街張軾寡文才蓬門長自寂虛席視生埃

貴里臨倡

一作粧

館東鄰歌吹臺雲間嬌響徹風末艷聲

來飛華瑤翠幄揚芬金碧杯久絕中州美從念尸鄉灰
遺情悲近世中山安在哉

陸慧曉

字叔明吳郡人高帝輔政除尚書殿中郎尋引為水閣祭酒紫輔五王立身清肅遷吏部

郎兖州刺史

遊仙詩

旌翻玉華晦神轉雲光移襲烏黃山下投佩朱路岐

陸厥

字韓卿吳郡人慧曉仲孫也少有風采好屬文五言詩體甚新州舉秀才少傳主簿遷行參軍

永元元年始安王反厥父閑遂被誅感慟而卒○詩品曰觀厥文綿具識丈夫之情狀自製未優非

言之失也

蒲坂行

江南風已春河間柳已把鴈反無南書寸心何由寫流
泊祁連山飄颻高闕下

齊歌行

黃金徒滿贏不如守章句雪宮紛多士稷下成覆一作

露同載雙連珠一作壁合席懸河注垂帷五行下操筆百

金賦華屋大車方高門四馬驅玄豹空不食南山隱雲
霧

南郡歌

江南可採蓮蓮生荷已大
旅鴈向南飛浮雲復如蓋
望美積風露踈麻成襟帶
雙珠感漢臯蛾眉迷下蔡
玉齒徒粲然誰與啓含貝

邯鄲行

趙女擲鳴琴邯鄲紛躑步
長袖曳三街兼金輕一顧
有美獨臨風佳人在遐路
相思欲褰袵叢臺日已暮

左馮翊歌

上林涌紫泉離宮赫千戶
飛鳴亂鳬鴈參差雜蘭杜
比

翼獨未羣連葉誰為伍一物或難致無云泣易覩

京兆歌

兔園夾池水脩竹復檀欒不如黃山苑儲胥與露寒遷
迹傍無界岑峯一作嶺鬱上干上干入翠微下趾連長薄

芳露浸紫莖秋風搖素萼鴈起宵未央雲間月將落照
梁桂兮影徘徊承露盤兮光照灼壽陵之街走狐兔金
卮玉盃會銷鑠願奉蒲萄花為君實羽爵

李夫人及貴人歌

屬車挂席塵豹尾香煙滅彤殿向薜蘿青蒲復萎絕坐
萎絕對薜蘿燕臨丹一作玉階泣椒塗寡鶴羈雌飛且止雕
梁翠壁網蜘蛛洞房明月夜對此淚如珠

中山王孺子妾歌二首

未央才人中山孺子一笑傾城一顧傾市傾城不自美
傾市復為容願把陵陽袖披雲望九重

如姬寢臥內班婕妤坐同車洪波陪飲帳林光宴秦餘歲
暮寒飈及秋水落芙蓉子瑕矯後駕安陵泣前魚賤妾

終已矣君子定焉如

臨江王節士歌

木葉下江波連秋月照浦雲歇山秋思不可裁復帶秋
風來秋風來已寒白露驚羅紉節士慷慨髮衝冠彎弓
挂若木長劒竦雲端

奉答內兄希叔

五章

嘉惠承帝子躡履奉王孫屬叨金馬署又點去聲銅龍門
出入平津邸一見孟嘗尊歸來翳桑柘朝夕異涼溫

殂落固云是寂蔑終如

一作始

斯杜門清三逕坐檻臨曲

池鳬鵠嘯傳侶荷芰始參差雖無田田葉及爾汎漣漪
春華與秋實庶子及家臣王門所以貴自古多俊民離
宮收杞梓華屋富徐陳平旦上林苑日入伊水濱

書記既翩翩賦歌能妙絕相如慙溫麗子雲慙筆札駿
馬思長坂柴車畏危軋悵望山陽讌空此河陽別

平原十日飲中散千里遊渤海方淫滯宜城誰獻酬屏
居南山下臨此歲方秋惜哉時不與日暮無輕舟

虞炎

會稽人永明中以文學與沈約俱為文惠太子所遇意盼殊常官至驃騎將軍

玉階怨

紫藤拂花樹黃鳥度青枝
思君一歎息苦淚應言垂

餞謝文學離夜

以下三首附見謝朓集

差池燕始飛
羃歷草初輝
離人悵東顧
遊子愴西歸
清潮已駕渚
潯露復沾衣
一乖當春聚
方掩故園扉

詠簾

青軒明月時
紫殿秋風日
腫朧引光輝
晻曖映容質
清

露依檐垂蛸絲當戶密塞開誰共臨掩晦獨如失

奉和竟陵王經劉嶽墓下

下帷聞昔儒窺園信且逸聚學叢煙郊棲遁事環草戢
景謝歸年稅駕空悠日庭露已沾衣松門向蕭瑟憫憫
神念周依依惠言密

虞通之

會稽餘姚人有學行善
言易官至步兵校尉

贈傅昭詩

梁書曰傅昭少有神情宋廷尉虞愿聞之遣車迎
昭時愿宗人通之在座並當世名流通之贈昭詩

曰

英妙擅山東才子傾洛陽清塵誰能嗣及爾遺遺芳

顧歡

字景怡吳興人隱於天台山開館教授晚節服食不與人通齊高帝輔政徵為揚州主簿及踐

祚上表東歸永明元年徵為太學博士不就

臨終詩

南史曰歡知將終賦詩言志

五塗無恒宅三清有常舍精氣因天行游魂隨物化鵬
鷖適大海蜩鳩之桑柘達生任去留善死均日夜委命

安所乘何方不可駕翹心企前覺融然從此謝

朱碩仙

朱子尚附

吳聲獨曲

南齊時朱碩仙善歌吳聲讀曲武帝出遊鍾山幸何美人墓碩仙歌云帝神色不悅曰小人不遜弄我時朱子尚亦善歌復為一曲云云於是俱蒙厚賚

碩仙歌

二憶所歡時緣山破仍任山神感懷意盤石銳鋒動

子尚歌

曖曖日欲暝歡騎立踟躕太陽猶尚可且願停須臾

卞伯玉

赴中書

初學作中書郎詩

大方信苞容優渥遂不已躍鱗龍鳳池揮翰紫宸裏

石道慧

離合詩

好仇華良夜子歡我亦欣晃穹出明月一坐感良晨

娛字

鍾憲

詩品曰齊正員郎鍾憲詩齊諸暨令顏則詩齊秀才顏則心詩並祖裴頠延之欣欣不倦得士

大夫之雅致乎余從祖正員嘗云大明泰始中鮑
體美文殊已動俗唯此諸人傳顧陸體用固執不
如顧諸暨最荷家聲○按此則鍾憲
為噪從祖顧諸暨或延之之後也

登羣峰標望海

此詩見謝朓集題云和劉
西曹望海拾遺作鍾憲

蒼波不可望望極與天平往往孤山暎處處春雲生差
池遠鴈沒颶皆羣兒驚囂塵及薄領棄捨出重城臨川
徒可美結網庶時營

顧則心

望解前水竹

何遜集載此詩題云望解前水
竹荅崔錄事拾遺作顧則心

蕭蕭叢竹映澹澹平湖淨葉倒連漪文水漾檀欒影相
思不會面相望空延頸遠天去浮雲長墟斜落景幽痾
與歲積賞心隨事屏鄉念一遭迴白髮生俄頃

釋寶月

詩品曰齊道猷釋寶月
詩庾白二胡亦有清句

估客樂

二曲

齊武帝布衣時嘗遊樊鄧登阼以後追憶往事作
估客樂使寶月奏之管絃月又上此二曲凡四章

郎作十里行儂作九里送拔儂頭上釵與郎資路用
有信數寄書無信心相憶莫作瓶落井一去無消息

同前

大偏珂我頭何處發揚州借問船上郎見懷所歡不
初發揚州時船出平津泊五兩如竹林何處相尋博

行路難

選詩外編
作柴廊

君不見孤鴈關外發酸嘶度揚越空城客子心腸斷幽閨思
婦氣欲絕凝霜夜下拂羅衣浮雲中斷開明月夜夜遙遙徒
相思年年望望情不歇寄我匣中青銅鏡倩人為君除白
髮行路難行路難夜聞南城漢使度使我流淚憶長安

古詩紀卷七十二

欽定四庫全書

古詩紀卷七十三

明 馮惟訥 撰

齊第八

郊廟歌辭

齊南郊樂章十三首

南齊書樂志曰武帝建元二年有司奏郊廟雅樂歌辭太廟登歌用褚淵餘悉用謝超宗所撰多刪頗延之謝莊辭以為新曲備改樂名永明二年又詔王儉造太廟二室及郊配辭

肅咸樂

羣臣出入

謝超宗

陳郡人靈運之孫歷

齊高帝武帝累遷黃門郎掌國

史除竟陵王征北諮議記室

寅承寶命嚴恭帝緒奄受敷錫升中拓宇亘地稱皇聲

天作主月域來賓日際奉土開元首正禮交樂舉六典

聯事九官列序

宋郊祀類延之辭刪定

引牲樂

牲出入夕牲歌並重奏

皇乎敬矣恭事上靈昭教國祀肅肅明明有牲在滌有

潔在俎以薦王衷以答神祐陟配在京降德在民奔精

望夜高燎佇晨

有牲以下八句並頌辭

嘉薦樂

薦豆呈
毛血

我恭我享惟孟之春以孝以敬立我烝民青壇奄靄翠

幕端凝嘉俎重薦蕙籍再升設業設虜展谷玉庭肇裡

配祀克對上靈

增損謝
莊辭

昭夏樂

迎神

惟聖饗帝惟孝饗親禮行宗祀敬達郊裡金枝中樹廣

樂四陳月御案節星驅扶輪遙興遠駕曜曜振振告成

大報受釐元神

增損
顏辭

永至樂

皇帝入
壇東門

紫壇望靈翠幕佇神率天奉贄罄地來賓神貺並介泯
祇合祉恭昭鑒享肅光孝祀威藹四靈洞曜三光皇德
全被大禮流昌

登歌

帝升
壇

報惟事天祭實尊靈史正嘉兆神宅崇禎五時昭鬯六
宗彝序介丘望塵皇軒肅舉

文德宣烈樂

帝初
獻

營泰時定天衷思心緒謀筮從田燭置燿火通大孝昭

國禮融

刪定
顏辭

武德宣烈樂

次奏

功燭上宙德耀中天風移九域禮飾八埏四靈晨炳五
綿宵明膺厯締運道茂前聲

高德宣烈樂

高帝
配饗

王儉

饗帝嚴親則天光大烏奕前古榮鏡無外日月宣華卿
雲流靄五漢同休六幽咸泰

嘉胙樂

飲福酒

謝超宗

鬯嘉禮承休錫威德符景緯昌華應帝策聖謁耀昌基
融祉暉世歷聲正涵月軌書文同日迹寶瑞昭神圖靈
貺流瑞液我皇崇暉祚重芬冠往籍

昭夏樂

送神

薦享洽禮樂該神娛展辰旆回洞雲路拂璇階紫芬靄
青霄開睟皇都顧玉臺留昌德結聖懷

昭遠樂

帝就燎位

天以德降帝以禮報牲尊俯陳柴幣仰燎事展司采敬
達瑄薌煙贄青昊震颺紫場陳馨示策肅志宗禋禮非
物脩福惟誠陳

休成樂

帝還
使殿

昭事上祀饗薦具陳回鑾轉翠拂景翔宸綴縣敷暢一作
錫鍾石昭融羽炫深晷籥瞋行風肆序輟度肅禮傳文

四金聳衛六馭齊輪

齊北郊樂歌六首

謝超宗

南齊書樂志曰北郊樂迎地神奏昭夏之樂升壇
奏登歌初獻奏地德凱容之樂次奏昭德凱容之
樂送神奏昭夏之樂瘞埋奏祿幽之樂餘辭同南
郊隋書樂志曰齊氏承宋咸用元徽舊式宗祀朝
饗奏樂俱同惟增北郊之禮乃
元徽所闕永明六年之所加也

昭夏樂

迎神奏

詔禮崇營敬饗玄時靈正丹帷月肅紫墀展薦登華風
縣凝鏘神惟戾止鬱葆遙莊昭望歲芬環游辰太穆哉
尚禮橫光秉藹

登歌

帝升壇奏

佇靈敬享裡肅彝文縣動聲儀薦絜牲芬陰祇以貺昭
祀式慶九服熙度六農祥正

地德凱容樂

帝初
獻奏

繕方丘端國陰掩珪晷仰靈心詔源委遍丘林禮獻物

樂薦音

亦刪
顏辭

昭德凱容樂

次奏

慶圖清邈蘊祥祕瑤倪天炳月嬪光紫霄邦化靈懋閭
則風調儷德方儀徽載以昭

昭夏樂

送神奏

薦神升享序楹淹玉俎傳金奏寶旆轉旒駕旋溢素景
鬱紫躔靈心顧留宸睠洽外瀛瑞中縣

隸幽樂

瘞埋奏

后皇嘉慶定祇玄時承帝休圖祇敷靈祉篚冪周序軒
朱凝會牲幣芬壇精明佇蓋調川瑞昌警岳祥泰

齊明堂樂歌十五首

謝超宗

南齊書樂志曰武帝建元初詔謝超宗造明堂夕牲等歌并採用謝莊辭賓出入奏肅咸樂牲出入奏引

牲樂薦豆呈毛血奏嘉薦樂迎神奏昭夏樂呈帝
升明堂奏登歌初獻奏凱容宣烈之樂還東壁受
福酒奏嘉胙樂送神奏昭夏樂並建元永明
中作也其凱容宣烈樂嘉胙樂太廟同用

肅咸樂

賓出
入

爨承孝典恭事嚴聖浹天奉賁罄壤齊慶司儀具序羽
容夙章芬枝揚烈黼構周張助寶奠軒酌珍克庭璆縣
凝會琁朱佇聲先期選禮肅若有承祇對靈祉皇慶昭
膺

尊事威儀輝容昭序迅恭明神絜盛牲俎肅肅嚴宮謁

藹崇基皇靈降止百祗具司戒誠望夜端烈承朝依微
昭旦物色輕宵

引牲樂

惟誠絜饗惟孝尊靈敬芳黍稷敬滌犧牲騂鹵在俎載
溢載豐以承宗祀以肅皇衷蕭芳四舉華火周傳神鑒
孔昭嘉足三牲

嘉薦樂二首

肇裡戒祀禮容咸舉六典飾丈九司炤序牲柔既昭犧

剛既陳恭滌惟清敬事惟神加遵再御兼祖重薦節動
軒越聲流金縣

奕奕閼幄疊疊嚴闡絜誠夕鑒端服晨暉聖靈戾止翊
我皇則上綏四寓下洋萬國永言孝饗孝饗有容儗僚

贊列肅肅雍雍

以上皆宋
殷浚辭

昭夏樂

地紐謐乾樞回華蓋動紫微開旌蔽日車若雲駕六龍
乘烟煜煜帝景耀天邑聖祖降五雲集懋業盛絜牲牲

百禮肅羣司虔皇德遠大孝昌貫九幽洞三光神之安

解玉鑒景福至萬寓歡

謝莊辭下同

登歌

雍臺辨朔澤宮選辰絜火夕炤明水朝陳六瑚賁室八
羽華庭昭事先聖懷濡上靈肆夏式敷升歌發德永固
洪基以綏萬國

凱容宣烈樂

醴醴具登嘉俎咸薦饗洽誠陳禮周樂徧祝辭罷裸序

容輟縣蹕動端庭鑒回嚴殿神儀駐景華漢高虛八靈
案衛三祇解迹翠蓋耀澄暈纒凝宸玉鑣息節金輅懷
音式誠達孝底心肅感追憑皇鑒思承淵範神錫懋祉
四綿昭明仰福帝徽俯齊庶生

殷漢
辭

青帝歌

參映夕馮昭晨靈乘震司青春鴈將向桐始蕤和風舞
暄光遲萌動達萬品親潤無際澤無垠

以下五首
皆謝莊辭

赤帝歌

龍精初見大火中朱光北至圭景同帝在在離寔司衡
雨水方降木槿榮庶物盛長咸殷阜恩澤四溟被九有
逸下

黃帝歌

履艮宅中宇司繩總四方裁化徧寒燠布政司炎涼至
分乘經晷閉啓集恒度帝暉緝萬有皇靈澄國步

白帝歌

百川若鏡天地爽且明雲冲氣舉盛德在素精庶類收

成歲功行欲寧浹地奉渥鑒宇承帝靈

黑帝歌

歲既暮日方馳靈乘坎德司規玄雲合晦鳥蹊飛雪繁
亘天涯晨晷促夕漏延太陰極微陽宣

嘉祚樂

禮薦洽福祚昌聖皇膺嘉祐帝業凝休祥居極乘景運
宅德瑞中王澄明臨四奧精華延八鄉洞海同聲懋
宇宙乾光靈慶纏世祉鴻烈永無疆

殷洗
辭

昭夏樂

蘊禮容餘樂度靈方留景欲暮開九重肅五達鳳參差
龍已沫雲旣動河旣梁萬里照四空香神之車歸清都
璇庭寂玉殿虛鴻化凝孝風熾顧靈心結皇思鴻慶遐
毫嘉薦令芳翊帝明德永祚深光

謝莊
辭

齊雩祭歌八首

謝朓

南齊書樂志曰建武二年雩祭明堂
謝朓造辭一依謝莊唯世祖四言也

迎神

八章

齊樂志曰依漢東郊祀三言求
明堂迎神八解每四句一解

清明暢禮樂新候龍景練貞辰
陽律亢陰晷伏耗下土荐種稔
宸儀警王度乾嗟雲漢望昊天
張盛樂奏雲儺集五精延帝祖
雩有諷崇有秩管鬯芬圭瓚瑟
靈之來帝闔開東煜耀吹徘徊
停龍輶徧觀此凍雨飛祥雲靡

壇可臨奠可歆對眎社鑒皇心

世祖武帝

三章

濬哲維祖長發其武帝出自震重光御寓七德攸宣九
疇咸叙靜難荆衡凝威彘蠹浦

昧旦丕承夕惕刑政化一車書德馨染盛昭星夜景非
雲曉慶衢室成陰璧水如鏡

禮克玉帛樂被匏絃於鑠在詠陟配於天自宮徂兆靡
愛牲牷我將我享永祚豐年

青帝

三章

營翼日烏殷宵凝冰泮玄蟄昭

景陽陽風習習女夷歌東皇集

奠春酒秉青珪命田祖渥羣黎

赤帝

三章

惟此夏德德恢台兩龍在御炎精來

火景方中南訛秩靡草云黃含桃實

族雲翳鬱溫風扇興雨祁祁黍苗遍

黃帝

三章

稟火自高明毓金挺剛克涼燠資成化羣芳載厚德
陽季勾萌達炎徂溽暑融商暮百工止歲極凌陰冲
泉流疏已清原隰甸已平咸言祚惟億敷民保齊京

白帝

三章

帝說于允執矩固司藏百川收潦精景應金方
嘉樹離披榆關命賓鳥夜月如霜金風方嫋嫋
商陰肅殺萬寶咸已邁勞哉望歲塲功異可收

黑帝 三章

白日短玄夜深招搖轉移太陰霜鍾鳴冥陵起星迴天

月窮紀

聽嚴風來不息望玄雲黝無色曾冰冽積羽幽飛雪至

天山側

關梁閉方不巡合國吹饗蜡眉統微陽究終始百禮洽

萬祚臻

送神 五章

敬如在禮將周神之駕不少留

躍龍鑣轉金蓋紛上馳雲之外

警七曜詔八神排閭闔渡天津

有渰興膚寸積雨冥冥又終夕

俾棲糧維萬箱皇情暢景命昌

齊籍田樂歌二首

江淹

見梁

南齊書樂志曰籍田歌漢章帝元和元年班固奏
周商頌載芟祀先農晉傅玄作祠先蠶夕牲歌詩三
一篇迎送神一篇饗社稷先農先聖先蠶歌詩一篇
篇辭皆叔田農事胡道安作先農饗神詩一篇樂

府相傳舊歌三章永明四年藉田詔江淹造歌淹
不依古傳製祀先農迎送神升歌及饗神歌二章

迎送神升歌

羽鑾從動金駕時遊教騰義鏡樂綴禮修率先丹耦躬
遵綠疇靈之聖之歲殷澤柔

饗神歌

瓊罕既飾繡簋以陳方燮嘉種永毓宵民

牲出入歌

以下三首見初學記未詳所用

祝詳史具禮備樂薦有牲在陳有鼓在懸騰燭象星奔

水類電郊燎夙戒馭彼乘駟以伺質明以佇神晏

薦豆呈毛血歌辭

時恭時祀有物有則伊我上聖實抱明德犧象交陳鬱
尊四塞黍惟嘉穀酒惟玄默薦通蒼祇慶覃黎黑願靈
之降祚家祐國

奏宣烈之樂歌舞

殷崇配天周尊明祀瑞合汾陰慶同泰時青幕雲舒丹
殿霞起二曜惟新五精告始于以享之景福是履

齊太廟樂歌十六首

謝超宗

南齊書樂志曰宋昇明中太祖為齊王令司馬褚淵造太廟登歌二章建元初詔謝超宗造廟樂歌詩十六章永明二年又詔王儉造太廟二室歌辭

肅咸樂

夕牲羣臣出入奏

絜誠底孝孝感煙霜寅儀式序肅禮綿張金華樹藻肅哲騰光殷殷升奏嚴嚴階庠匪椒匪玉是降是將懋分

神衷翊祐傳昌

引牲樂

牲出入奏

肇祀嚴靈恭禮尊國達敬傳

遺軌作數

典結孝陳則芬滌既

肅犧牲既整聳誠流思端儀選景肆禮佇夜綿樂望晨
崇席皇鑒用饗明神

嘉薦樂

薦豆呈毛血奏

清思眇眇閼寢微微恭言載感肅若有希芬俎具陳嘉
薦兼列凝馨煙颺分炤星哲睿靈式降協我帝道上澄
五緯下陶八表

昭夏樂

迎神奏

涓辰選氣展禮恭祗重闈月洞層牖煙施載虛玉鬯載
受金枝天歌折饗雲舞罄儀神惟降止泛景凝義帝
永藹泯藻方槁

永至樂

皇帝入廟
北門奏

戲繇惟則姬經式序九司聯事八方承宇鑒迺靜陳縵
樂具舉凝旒若慕傾璜載竚振振璇衛穆穆禮容載藹
皇步式敷帝蹤

登歌

太祝裸
地奏

清明

一作客

既鬯大孝乃熙天儀
晬愴皇心儼思既芬房

亘載潔牲牲鬱裸升禮
銷金

一作玉

登聲茂對幽嚴式奉

徽靈以享以祀惟感惟誠

凱容樂

皇祖廣陵必室

國昭惟茂帝穆惟崇
登祥綿遠締世景融
紛綸睿緒菴蔚王風
明進厥始濬哲文終

凱容樂

皇祖太中大夫室

璇條黃蔚瓊源浚照
懋矣皇烈載挺明邵
永言敬思式

恭惟教休途良又榮光有耀

凱容樂

皇祖淮
陰令室

嚴宗正典崇享肇裡九章既飭三清既陳昭恭皇祖承
假徽神貞祐伊協卿藹是鄰

凱容樂

皇曾祖即
丘令室

肅惟敬祀絜事參薌環袞像綴緬密絲簧明明烈祖尚
錫龍光粵雅于姬伊頌在商

凱容樂

皇祖太
常卿室

神宮懋鄴明寢昌基德凝羽綴道壘容辭假我帝緒懿
我皇維昭大之載國齊之祺

宣德凱容樂

皇考宣皇
帝室奏

道閔期運義開藏用皇矣睿祖至哉攸縱循規烈炤襲
矩重芬德溢軒義道懋炎雲

凱容樂

昭皇后
室奏

月靈誕慶雲瑞開祥道茂淵柔德表徽章粹訓宸中儀
形宙外容蹈凝華金羽傳藹

永祚樂

皇帝還東壁
上福酒奏

構宸抗宇合軫齊文萬靈載溢百禮以殷朱絃繞風翠
羽停雲桂尊既滌瑤俎既薰升薦惟誠昭禮惟芬降祉
遙裔集慶氤氲

肆夏樂

送神
奏

禮既升樂以愉昭序溢幽饗餘人祇鬯敬教敷神光動
靈駕翔芬九垓鏡八鄉福無屆祚無疆

休成樂

皇帝詣
使殿奏

睿孝式壺饗敬爰偏

一作編

諦容輟序侑文靜縣

一作應

辰

儀聳踰霄衛浮鑒旒常雲舒翠華景搏恭惟尚烈休明

再纒國猷遠藹昌圖聿宣

登歌二首

褚淵

字彥回河南陽翟人仕宋

中書令後佐高帝受禪
進位司徒封南昌郡公

惟王建國設廟凝靈月薦流典時祀暉經瞻宸俊思雨
露追情簡日筮晷閔奠升文金壘淳桂冲幄舒薰備僚
肅列駐景開雲

至饗攸極睿孝惇禮具物咸絜馨聲

齊書作馨香

合體氣昭

扶幽眇慕纓遠迎絲驚促送侑留晚聖衷踐候節改增

愴妙感崇深英徽彌亮

高德宣烈樂

太祖高皇帝

王儉

悠悠草昧穆穆經綸乃文乃武乃聖乃神動龕危亂靜

比斯民誕膺休命奄有八寅握機肇運光啓禹服義滿

天淵禮昭地軸澤靡不懷威無不肅戎夷竭歡象來致

福偃風裁化暄日敷祥信星含曜秬草流芳七廟觀德

六樂宣章惟先惟敬是饗是將

穆德凱容樂

穆皇
后室

太姒嬪周塗山儷禹我后嗣徽重規疊矩肅肅閔宮翔
翔雲舞有饗德馨無絕終古

明德凱容樂

明帝
室

多難固業殷憂啓聖帝宗績武維時執競起柳獻祥百
堵興詠義雖祀夏功符受命遠無不懷邇無不肅其儀
濟濟其容穆穆赫矣君臨昭哉嗣服允王惟后膺此多

福禮以昭事樂以感靈八簋陳室六舞允庭觀德在廟
象德在形四海來祭萬國咸寧

舞曲歌辭

齊前後舞歌二首

無名氏

前舞階步歌

齊樂志云新
辭下篇同

隋書樂志曰近代舞出入皆作樂謂之階步咸用
肆夏即周官所謂樂出入奏鍾鼓也○古今樂錄
曰何承天云今舞出樂謂之階步蕤賓廟作尋儀
禮燕飲射三樂皆云席工於西階上大師升自西
階北面東上相者坐受瑟乃降笙入立于縣中北
面乃合樂工歌鹿鳴四牡周南今直謂之階步而

承天又以爲出
樂俱失之矣

天挺聖哲三方維綱川嶽伊寧七曜重光茂育萬物衆
庶咸康道用潛通仁施遐揚德厚坤極功高昊蒼舞像
盛容德以歌章八音既節龍躍鳳翔皇基永樹二儀等
長

後舞階步歌

皇皇我后紹業盛明滌拂除穢宇宙載清允執中和以
蒞蒼生玄化遠被兆世軌形何以崇德乃作九成妍步

恂恂雅曲芬馨八風清鼓應以祥禎澤浩天下功齊百靈
齊輦舞曲三首

南齊書樂志曰漢章帝造輦舞歌云關東有賢女
魏明帝代漢曲云明明魏皇帝傳玄代魏曲作晉
洪業篇云宣文創洪業盛德存秦始聖皇應靈符
受命君四海今前四句錯綜其辭從五帝至不可
階六句全玄辭後二句本云將復
御龍氏鳳皇在庭棲又改易焉

明君辭

明君創洪業盛德在建元受命君四海聖皇應靈乾五
帝繼三皇三皇世所歸聖德應期運天地不能違仰之

彌已高猶天不可階將復結繩化靜拱天下齊

錯綜傳
玄辭

聖主曲辭

聖主受天命應期則虞唐升旒綜萬機端展馭八方盈
虛自然數揖讓歸聖明北化陵河塞南威越滄溟廣德
齊七政敷教騰三辰萬寓必承慶百福咸來臻聖皇應
福始昌德洞祐先

錯綜
傳辭

明君辭

明君御四海總鑒盡人靈仰成恩已洽竭忠身必榮聖澤

洞三靈德教被八鄉草木變柯葉川嶽洞嘉祥愉樂域
明運舞蹈升秦時微霜永昌命軌心長歡怡

首四句亦錯綜傳辭

齊白紵辭

王儉

陽春白日風化香趨步明月舞瑤裳

情發金石媚笙簧羅袿徐轉紅袖揚

清歌流響繞鳳梁如驚若思凝且翔

轉盼流精豔輝光將流將引雙雁行

歡來何晚意何長明君馭世永歌昌

錯綜
晉辭

齊鳳皇街書伎辭

江淹

齊書樂志曰鳳皇街書伎歌辭蓋魚龍之流也元會日侍中於殿前跪取其書示世有此辭齊初詔

中書郎

江淹改

皇齊啓運從瑤璣靈鳳街書集紫微和樂既洽神所依
超商卷夏耀英輝永世壽昌聲華飛

齊世昌辭

無名氏

南齊書樂志曰晉杯槃舞歌十解第三解云舞杯槃何翩翩舉坐翻覆壽萬年其第一解首句云晉世寧宋改為宋世寧惡其杯槃翻覆辭不復取齊改為齊世昌後一解辭同

齊世昌四海安樂齊太平人命長當結久千秋萬歲皆
老壽

清商曲辭

古辭

西曲歌

共戲樂

四曲

古今樂錄曰共戲樂
舊舞十六人梁八人

齊世方昌書軌同萬寓獻樂列國風
時泰民康人物盛腰鼓鈴柈各相競

長袖翩翩若鴻驚纖腰嫋嫋會人情
觀風採樂德化昌聖皇萬壽樂未央

楊叛兒 八曲

唐書樂志曰楊叛兒本童謠歌也齊隆昌時女巫
之子曰楊旻少時隨母入內及長為何后寵童謠
云楊婆兒共戲來所歡語訛遂成楊叛兒古今樂
錄曰楊叛兒送聲云叛兒教儂不復相思

截玉作手鉤七寶光平天繡沓織成帶嚴帳信可憐
整出白門前楊柳可藏烏歡作沈水香儂作博山鑪
送郎乘艇子不作遭風慮橫篙擲去槳願倒逐流去

七寶珠絡鼓教郎拍復拍黃牛細犢兒楊柳映松柏
歡飲見蓮時移湖安屋裏芙蓉繞床生眠卧抱蓮子
聞歡遠行去送歡至新亭津邏無儂名

闕

落秦中庭生誠知非好草龍頭相鉤連見枝如欲繞
楊叛西隨曲柳花經東陰風流隨遠近飄揚悶儂心

雜歌謠辭

無名氏

蘇小小歌

一曰錢塘蘇小小歌樂府廣詩曰蘇小小錢塘名
倡也蓋南齊時人西陵在錢塘江之西歌云西陵

松柏下
是也

妾乘油壁車郎騎青驄馬何處結同心西陵松柏下

永明初歌

齊書五行志曰永明初百姓歌後句陶云陶郎來白
者金色馬者兵事三年妖賊唐寓之起言唐來勞也

白馬向城啼欲得城邊草

永元元年童謠

齊書五行志曰永元元年童謠千里流者江祐也
東城遙光也遙光夜舉事垣廩生者烏皮袴褶往
奔之跋脚亦遙光老姥
子孝字之象徐孝嗣也

洋洋千里流流翼東城頭烏馬烏皮袴三更相告訴脚
跛不得起誤殺老姥子

永元中童謡

齊五行志曰永元中童謡云云識者解云陳顓達
屬豬崔慧景屬馬非也東昏侯屬豬馬子未詳梁
王屬龍蕭穎胄屬虎崔慧景攻臺頓廣莫門死時
年六十三鳥集傳舍即所謂雞鳥是止于雞之屋
三八二十四起建元元年至中興二年二十四年
也摧折景陽樓亦高臺頓之意也言天將去乃得
也

野豬雖鳴馬子空閭渠不知龍與虎飲食江南墟七

九六十三廣莫人無餘烏集傳舍頭今汝得寬休但看
三八後摧折景陽樓

山陰謠

南史曰丘仲孚為山陰令居職甚有聲稱百姓為此謠
前世博奕父子沈憲劉玄明相繼宰山陰並有政績

二傳沈劉不如一丘

桓康歌

南史曰桓康蘭陵人也隨武帝起兵權堅陷陣臂
力絕人江南人畏之高帝鎮東府除武陵王中兵
李翔將軍常侍衛左右帝誅黃回回
使康數回罪然後殺之時人語曰

欲俾張問桓康

長沙王歌

南史曰長沙威王見高帝四子也少有武力昇明中為淮南宣城二郡太守見便弓馬初沈攸之事起見多從武客赫奕都街時人為之語曰

煥煥蕭四繖

都人歌

南史曰永明末都下人士盛為文章談義皆湊竟陵西邸劉繪為後進領袖時張融言辭辯捷周顒彌為清綺而繪音采不瞻麗雅有風則時人為之語云云言繪處二人間也

三人共宅夾清漳張南周北劉中央

南州歌


南史曰江革為潯陽太守清嚴為屬城所憚正直
自居不與典籤趙道智坐道智還都啓事題奏革
墮事好酒以瑯琊王曇首總代
為行事南州士庶為之語曰

故人不道智新人佞散騎莫知度不度新人不如故

差山歌

南史曰沈麟士隱居餘千吳差山講經教授從學
士數十百人各營屋宇依止其側時人為之語曰

差山中有賢士開門教授居成市



古詩紀卷七十三